



UNIVERSITÄTS-  
BIBLIOTHEK  
PADERBORN

## **Claudii Fleurii Abbatis Historia Ecclesiastica**

Ab anno Christi 1719. usque ad annum 1720

**Fleury, Claude**

**August. Vind. [u.a.], 1782**

**VD18 13322648**

§. 3. Ecclesiasticæ pacis negotiatio in Galliis continuata.

---

[urn:nbn:de:hbz:466:1-67659](https://nbn-resolving.org/urn:nbn:de:hbz:466:1-67659)

Sæc. XVIII.

A. C. 1720.

§. III.

*Ecclesiasticæ Pacis negotiatio in Galliis continuata.*

*Vid. supra*  
*pag. 857.*  
*Dorjann*  
*Journal de*  
*l'Hist. de la*  
*Const. t. I.*  
*pag. 506.*

Interim Contius Abbas mandatum  
Constitutionis explicationes, quæ  
Tremollius Cardinalis pro reddenda  
Ecclesiæ pace elaboraverat Roma de-  
ferens, Parisios die secunda Februa-  
rii venit, qui etiam altera die negotiatio-  
nis suæ seriem Abbati Du Bois expo-  
suit. Igitur Serenissimus Regni Mo-  
derator tres Viros doctrina claros, qui  
hæc scripta examini subjicerent, nomi-  
nabat, quorum tamen judicio jam ante  
ita decretum erat, Tremollii explica-  
tiones concordie consilio, quod Ab-  
bas du Bois exposuerat, minime præ-  
ferendas, nec etiam Noaillo Cardinali  
esse exhibendas, partim quod eas  
eo rejiciendas fore prospiceretur, par-  
tim quod illas a summo Pontifice magis  
quam esse approbandas, Massejus de  
Allemanius suis ad præfatum Abbatem  
datis literis testarentur. Igitur nihil  
reliquum erat, nisi ut conciliationis via  
ab Abbate du Bois substrata tentaretur.  
Vocantur ergo in consilium Cardinales  
Rohanius & Bissyus, producitur manda-  
tum a Noaillo promulgandi, præfatio-  
nis, & explicationum ab Episcopis ap-  
pro-

probandarum typus: ex Episcopis non-  
 nulli in explicationibus quædam im-  
 mutari, alii luculentius Constitutionis  
 integritatem vindicari, & non pauci pro-  
 positionibus ex Quesnelli libro deprom-  
 ptis errores damnatos distinctius attribui  
 petebant, Sueffionensis denique, Ebroi-  
 censis, & San-Floriensis Episcopi pa-  
 lam declarabant, se nulli conciliationis  
 medio assensuros, nisi prius Cardinalis  
 Noaillius revocata sua appellatione in  
 ejus instructione Pastoralis corrigenda  
 correxerit: Andreas quoque Dreuille-  
 tus Bajonensis Episcopus habito col-  
 loquio cum P. de La Tour Oratorii Ge-  
 nerali Constitutionem *Unigenitus* sine  
 ulla restrictione recepit, ac Quesnelli  
 librum unacum Cl. Propositionibus in-  
 de extractis damnavit. Paulo ante  
 die sexta Februarii Noaillius Pastoralem  
 suam Instructionem publicam reddidit,  
 quæ tamen Franciæ Episcopis minime  
 probabatur, imo etiam Romæ die duo-  
 decima Augusti S. Officii decreto con-  
 fixa est. Rebus ita dispositis annuente  
 Regni Moderatore Franciscus Bochar-  
 dus Claromontanus Episcopus typum  
 epistolæ, qua Episcopi Acceptantes se  
 explicationes seu summarium doctrinæ  
 ab Abbate Du Bois factum approbare te-  
 starentur, Noaillio Cardinali tradidit,  
 eumque impense rogavit, ut vicissim ac-  
 cepta-

Sæc. XVIII.  
 A. C. 1720.

Sæc. XVIII  
A. C. 1720.

ceptationis suæ testimonium palam faceret, illudque Regni Moderatori porrigeret. Præter omnem expectationem Cardinalis Noaillius habita consultatione cum Laudanensi, Antissiodorensi & Bajonensi Episcopis die decima octava Januarii triplicem acceptationis suæ formulam Serenissimo Regenti obtulit, petiitque a Rege, ut novis literis regni Constitutionis acceptationem in universo Regno præcipere velit, se vero id ea ex causa petere aiebat, ut contra Parisiensis Cleri sui insultus apud laicorum Curias eo validius protegeretur: hoc facto se sincero animo Constitutionem acceptaturum pollicitus est. Insuper suum Corpus doctrinæ, quod ad suæ orthodoxiæ vindicationem Romanam miserat, Regenti tradidit, pollicitus, se Constitutionem omnino recepturum, dummodo octoginta illi Franciæ Episcopi suum Corpus doctrinæ summarium vicissim sint approbaturum. Placuit Regio Administratori hæc Noaillii declaratio, petiit tamen ab eodem, ut pariter sui mandati seu Instructionis Pastoralis typum conficeret, id quoque promisit Noaillius, dummodo Regni Administrator declarationem, qua Constitutionis explicationes tanquam Regni lex acceptari juberentur, conficeretur. Ea ex causa Regni Administrator

nistr  
tium  
acce  
næ  
scopi  
sent.  
mini  
Bissy  
riliis  
cerfi  
fatas  
mina  
trad  
qui  
rent  
cusab  
suæ  
plici  
confe  
quod  
adhib  
terpr  
lis do  
num  
hæc  
tum  
bros  
hucus  
stitut  
aut  
prop  
vel r

nistrator denuo Theologos ab omni par-  
 tium studio alienos, quotquot poterat,  
 accersivit, qui explicationes seu doctri-  
 næ summarium ita elimarent, ut Epi-  
 scopis sine censuræ metu exhiberi pos-  
 sent. Expleto semestri hoc labore Ad-  
 ministrator Cardinales Rohanium &  
 Bissyum ceterosque Præsules tum Pa-  
 risiis agentes ad Regium Palatium ac-  
 cersivit, eisque Noaillii mandatum præ-  
 fatasque explicationes maturius exa-  
 minandas, ac demum approbandas  
 tradidit: Non deerant ex Episcopis,  
 qui nonnulla adhuc corrigenda cense-  
 rent, alii vero subscribere omnino re-  
 cusabant, potissimi tamen acceptationis  
 suæ literas ita instruxere, ut ea sim-  
 plici & naturali Constitutionis sensui  
 consona esset, & palam declararetur,  
 quod hæc explicationes unice fuissent ideo  
 adhibitæ, ut impediretur, ne per falsas in-  
 terpretationes veritas impugnaretur, mora-  
 lis doctrinæ puritas depravaretur, & actio-  
 num libertas læderetur; pariter addebant  
 hæc verba: *Prohibemus, ne quis præsa-  
 tum (reflexionum) librum, aut alios li-  
 bros sive manuscriptos sive typis impressos,  
 hucusque editos, vel imposterum, contra Con-  
 stitutionem, & superpositas explicationes,  
 aut in præfati libri & proscriptionum  
 propositionum defensionem edendos legat,  
 vel retineat.* Complanatis itaque cun-

Sæc. XVIII.  
 A. C. 1720.



Sæc. XVIII. Etis difficultatibus die decima tertia  
 A. C. 1720. Martii Cardinalis Noaillius huic pacis  
 negotiationi accessit, facta hac declaratione: *Juxta Corpus doctrinæ recipimus cum omni submissione & obsequio Constitutionem Unigenitus juxta præfatas explicationes, in quibus verus continetur sensus, quasque ideo subjunximus, ut omnes abusus sinistraeque omnes interpretationes præpediantur: Hac ratione reflexum librum unacum omnibus Cl. Propositionibus inde depromptis eo modo rejicimus & damnamus, quo id præfata Constitutio deposcit, insuper sub pœnis in jure statutis præcipimus omnibus nostræ Diœcesis fidelibus, ut prædictam Constitutionem recipiant, iisdem inhibentes sub iisdem pœnis, si libros vel scripta contra hanc Constitutionem edita vel edenda, legant, retineant &c.*

Præterea triginta alii Episcopi tunc præsentibus Corpori doctrinæ, seu hujusmodi explicationibus sua apposuerunt nomina: Facta hac Constitutionis acceptatione Sueffionensis Episcopus Rheims profectus, Cardinali Archiepiscopo pollitio tam Episcoporum epistolam, quam acceptationis tabulas tradidit, quibus Cardinalis non modo promptissime subscripsit, sed ipsemet Parisios delatus cum Cardinalibus Rohanio, Bissy, & Guesures Noaillium accessit, ac cum eo fraternæ unionis vinculum redintegravit; et

dem adhuc die Begonus, Cauletus, Sæc. XVIII.  
Vieuvilla, Vauronyus, Normandus, A. C. 1720.  
Tarrelupius, & Pastellus Abbates Pa-  
risiis ad diversas Regni Provincias e-  
mittebantur, qui Diæcesium Episcopos  
ad subscribendum sollicitarent. Quam-  
vis vero nonnulli hæc scripta exami-  
nandi copiam ob nimiam sollicitantium  
importunitatem ac præcipitantiam sibi  
haud concedi quererentur, hæc tamen  
explicationes in nonaginta septem Diæ-  
cesibus ab earum Episcopis ac Clero  
fuerunt approbatæ. Insuper Noaillius  
ad utrumque suæ Diæcesis Clerum en-  
cyclicas die decima octava Martii hæc  
dedit literas :

„Ut vos hodie de concordia nuper  
„inita certiores reddam, incitat Nos no-  
„tus vester veritatem tuendi ardor, Ec-  
„clesiæ incrementum procurandi sollici-  
„tudo, vesterque erga me affectus tot  
„argumentis comprobatus: Proxime  
„Vobis, uti confidimus, conditiones  
„hujus pacis indicabimus, indeque  
„cognoscetis omnem sollicitudinem eo  
„abiisse, ut per solidum corpus doctri-  
„næ, & in eo fundatam acceptationem  
„non modo veritas sed & doctrinæ mo-  
„ralis puritas, necnon Gallicanæ Ec-  
„clesiæ libertas sarta tectaue servare-  
„tur. Omnes ferme Franciæ Præsules  
„promptissimo animo suam contulerunt  
„ope-

Sæc. XVIII. „operam, ut sua auctoritate firma  
 A. C. 1720. „rent celeberrimam illam explicatio-  
 „nem, qua cunctis abusibus hucusque  
 „Ecclesiam perturbantibus obviaretur.  
 „Nil reliquum esse videtur, nisi ut fervi-  
 „das ad Deum preces fundatis, quæ  
 „tenus piis eorum adsit consiliis, qui  
 „ardentius, quam veritatis & paci-  
 „firmitatem desiderarunt. Id ipsorum  
 „Vobis in vestris precibus commende-  
 „mus; persuasum enim Nobis est, quod  
 „& Vos lubentissimo animo tam neces-  
 „sario utilique operi accessuri, hanc  
 „ratione ad tumultus, quibus Ecclesia  
 „per tot annos fuit agitata, sedandos  
 „necnon ad graviora, quæ eidem Ec-  
 „clesiæ imminere possent, mala feliciter  
 „ter præcavenda auxiliatrices manus  
 „præbituri sitis. Si tamen quidam tur-  
 „bidi ingenii homines pacem interrumpere  
 „pere machinarentur, haud dubitamus,  
 „quin hac de re Nos nulla morâ  
 „certiores reddituri sitis. Denique  
 „sacrato hoc tempore pro Nobis vestras  
 „geminare preces. „

## §. IV.

*Hujus acceptationis successus.*

*Lafiteau*  
*Hist. Const.*  
*l. 5. p. 179.*

Postquam Noaillius Cardinalis Serenissimo Regenti sinceram Confessionis acceptationem scriptotenus promiserat